



26/15

Skupština Kantona Sarajevo

n/r Predsjedavajućeg, Elvedin Okerić
n/r Zastupnici, Neira Dizdarević

**Ministarstvo komunalne privrede,
infrastrukture, prostornog uređenja, građenja i
zaštite okoliša Kantona Sarajevo**

n/r Ministra, Envera Hadžiahmetović

Reisa Džemaludina Čauševića br. 1
71 000 Sarajevo

71000 Sarajevo, Trg Fadile Odžaković Žute, broj 4
www.sarajevogas.ba

TELEFONI:

Direktor preduzeća: ++387 33 20 03 30

Telefonska centrala: +387 33 44 51 20

+387 33 22 52 51



Fax:

+387 33 44 55 25

+387 33 44 37 21 11 11



02 -06- 2022

Handwritten initials and numbers: '01', '04', '18506-20'

Broj: 0101-05-16,72/22

Naš znak: NOA-EE/AD

Datum: 30.05.2022. godine

Predmet: Odgovor na zastupničku inicijativu, Zastupnice Dizdarević Neire

Veza: Vaš dopis, broj: 01-04-18506-1/22 od 11.05.2022. godine, zaprimljen 24.05.2022. godine

Poštovana,

Na osnovu Vaše inicijative, koju smo zaprimili 24.05.2022. godine uz popratni dopis Skupštine Kantona Sarajevo, broj: 01-04-18506-1/22 od 11.05.2022. godine, odgovor ispred KJKP Sarajevogasa d.o.o. Sarajevo (u daljem tekstu: Sarajevogas/Preduzeće) je sljedeći.

Cijene distribucije prirodnog gasa (tj. cijene koje Sarajevogas zaračunava/dodaje na nabavnu cijenu gasa), kao što Vam je dobro poznato, sežući u dvodecenijsku i dalju prošlost, nisu formirane na principina tržišne ekonomije, već su isključivo vođene socijalnim okolnostima. Ovo je podrazumijevalo zaštitu individualnih potražaca, tj. tarifne kategorije "Domaćinstava", kao i zaštitu tarifne kategorije KJKP "Toplane-Sarajevo" d.o.o. Sarajevo, u teškim ekonomsko finansijskim uslovima života u Kantonu Sarajevo, u prethodnom periodu, ali i dalje.

U Preduzeću se više puta, u planove i radne inicijative, stavljalo inoviranje tarifnog sistema, koji je nasljedjen, međutim, uvijek se uspostavljalo da nije momenat za realizaciju ovoga projekta, isključivo zbog socijalnih prilika u Kantonu Sarajevo. Međutim, inicijalne analize su pokazivale da tarifna kategorija KJKP "Toplane-Sarajevo" d.o.o. Sarajevo nije u kategoriji tarifnih kupaca koji imaju neadekvatnu distributivnu cijenu, bar ne u smislu da je ista visoka.

Najskoriji, konkretni koraci, radi sveobuhvatnog inoviranja tarifnog sistema preduzeti su formiranjem Operativne grupe, Odlukom Direktora Preduzeća, broj: 0101-03-3429/21 od 24.09.2021. godine koja je imala zadatak da u saradnji sa konsultantima koje je angažovao USAID projekat Asistencije energetskom sektoru (USAID EPA) i u skladu sa definisanom okvirnom mapom puta, vrši operativne poslove u cilju realizacije zadataka i poslova neophodnih za računovodstveno razdvajanje djelatnosti distribucije i snabdijevanja prirodnim gasom u Sarajevogasu, a prema Direktivi 2009/73/EC o zajedničkim pravilima za unutrašnje tržište prirodnog gasa. Ovaj korak je prepoznat kao preduslov za uspostavljanje poboljšanog tarifnog sistema, a uključuje sagledavanje tarifa svih tarifnih kategorija i njihovo eventualno usaglašavanje.



Nadalje, na osnovu dogovora na sastanku Radne grupe za izradu Zakona o gasu Federacije Bosne i Hercegovine, održanom 12.05.2022. godine u Mostaru, Preduzeću je 19.05.2022. godine dostavljan prednacrt teksta Zakona (putem e-maila). Članovi radne grupe treba da dostave komentare i/ili izmjene, na dostavljeni tekst Zakona. Dostavljeni komentari odmah po zaprimanju biće dostavljeni tehničkoj asistenciji USAID-EPA. Sa ovim u vezi, u Preduzeću se detaljno analizira dostavljeni prednacrt, a što uključuje "Tarife", kao naknade ili više naknada za korištenje distributivnog sistema ili usluga u vezi sa prirodnim gasom. U ovome Zakonu se detaljno i regulisano tretira pitanje tarifa, kroz:

- 1.) Nadležnosti Regulatorne komisije u sektoru prirodnog gasa, a koja između ostalog ima nadležnosti da: "...
 - donosi metodologiju za utvrđivanje tarifa za korištenje distributivnog sistema,
 - utvrđuje tarife za korištenje distributivnog sistema,
 - donosi metodologiju za utvrđivanje tarifa za korištenje zatvorenog distributivnog sistema,
 - daje saglasnost na tarife za korištenje zatvorenog distributivnog sistema te u slučaju neusaglašenosti sa metodologijom utvrđuje propisane tarife,
 - vrši nadgledanje primjene tarifa, naknada i cijena utvrđenih u skladu sa ovim zakonom. ..."
- 2.) Obaveze operatora distributivnog sistema, koji je između ostalog dužan da: "...
 - utvrdi prijedloge tarifa za korištenje distributivnog sistema, naknada za priključenje i naknada po osnovu pružanja nestandardnih usluga,
 - obračuna i naplati tarife za korištenje distributivnog sistema, naknade za priključenje, naknade po osnovu pružanja nestandardnih usluga i naknade po osnovu obračunate neovlaštene potrošnje. ..."
- 3.) Definisane naknada za korištenje distributivnog sistema, gdje između ostalog stoji da: "...
 - Regulatorna komisija donosi metodologiju za utvrđivanje tarifa za korištenje distributivnog sistema. Kategorije potrošnje i grupe kupaca određuju se u zavisnosti od radnog pritiska, kapaciteta i potrošnje na mjestu priključenja, namjene potrošnje i drugih kriterija definisanih metodologijom
 - Operator distributivnog sistema na osnovu metodologije izrađuje i podnosi Regulatornoj komisiji prijedlog za odobrenje potrebnog prihoda operatora distributivnog sistema i utvrđivanje tarifa za korištenje distributivnog sistema po kategorijama potrošnje i grupama kupaca
 - Regulatorna komisija razmatra prijedlog operatora distributivnog sistema i utvrđuje konačni iznos tarifa za korištenje distributivnog sistema. ..."

kao i na drugim mjestima u tekstu prednacra Zakona.

Dakle, sve navedeno upućuje na intenzivne pripreme Preduzeća za primjenu predstojeće regulative, kao i aktivno učešće Preduzeća u donošenju iste. Cijeni se da bi bilo kakvo individualno korigovanje traifnog sistema bilo štetno za poslovanje Sarajevogasa, kao i nekorektno za ostale tarifne kategorije kupaca, te da je jedini ispravan princip dosljedna primjena odredbi definisanih Direktivom 2009/73/EC o zajedničkim pravilima za unutrašnje tržište prirodnog gasa, a koje su u fazi harmoniziranja u zakonsku regulativu FBiH, kao što je prethodno izdvojeno.

Za sve dodatne informacije, stojimo Vam na raspolaganju.

Sa uvažavanjem.

Direktor Preduzeća

Edis Baković, dipl.ing.maš.

CC:

1. naslovu
2. 3. 4. arhivi: Preduzeća Sektora ekonomike/Službe za plan. analizu i kontoling